

創建豫南書院考略

地757.15
899



序

昔有宋諸儒聚徒講學自建齋舍設立條規以啟牖後進而書院以興如安定伊川兩先生之禮賢經義等齋象山先生之鸞湖考亭先生之白鹿洞皆其著也嗣是朝廷仿而行之沿爲官制遂與學校並立洎我

朝鄧化覃敷首崇作育凡直省會垣咸設書院

賜帑修建贍給師生膏火俾有志之士入院肄業載在會典遠矣宏規其府廳州縣通都大邑悉聽官紳倡建所以崇文教而振人材輔學校所不逮造士之方莫善乎是嘗考豫中人文之盛以南

汝光爲之最而汝甯之信羅光州之光固尤稱卓卓第士類不齊其學行素優者固不乏人而一二遊惰者流或不免移於習俗然則爲之官長者將欲摩義漸仁使羣歸於正凡屬教養之道苟可以創造興作接武前型而益於治化之源者又烏容已哉光緒戊子壽鏞奉望江 倪豹岑中丞檄權開歸陳許道得替後以廉俸節用之餘積有成款請於 倪公捐作善舉其時未有所需適奉備兵南汝光之

命到官以來考政觀風證之曩日所聞良信其各府州縣之課咸以時舉顧使者向駐信陽舊有申陽書院雖間月一課而規模甚

狹經費未充不足廣資絃誦亟思別開講舍萃三郡生徒而課之
如河朔書院之例猝不易獲庚寅夏 倪公簡武來申因以此意
白之請將捐存之款作創建資 倪公以爲可是年冬購得董氏
舊宅於城南屬州紳陳中翰庭模董其役爲葺頽廢擴規制三閱
月而工成卽使者所轄顏曰豫南聘名師爲主講席購經史子集
以備研求設學規定章程廣籌經費以期久遠於其成也彙經始
之由付之剗刷用志原起惜 倪公道山遽返不及見書院之成
所冀都人士之講習於斯者兼求體用繼軌先賢不徒章句詞藻
之學而後之分巡而來者觀是刻而瞭然於肇造之模因其已成


二


益所未備庶乎人文日起作邦家光胥於是賴之不惟壽鏞所厚

望抑亦 倪公勤勤政教之素志也夫


光緒十有七年五月豫南備兵使者寶應朱壽鏞謹序


豫南書院圖





山陰縣志圖





碑記

書院之設曷自昉乎古者家有塾黨有庠州有序國有學凡由小成而大成由選士而進士教之以漸升之以次必審其才行素裕然後足備公卿大夫百執事之選故歷代雖有沿革而大經大法類不能或出範圍我

朝文治昌明賓禮隆備儒林嚮化俊乂蒸蒸蓋取士之制既以科目一其趨而課士之方並以官司兼其任是官司責在教養俾人益奮於登進之路則書院實爲初基散者得而萃之沉者得而揚之異等者咸優培之不及者因策勵之擇有道德者爲之師拔

七

有才藝者爲之長亦卽屬民讀法興賢勸能之遺意也豫省府廳州縣書院林立通都大邑絃誦頻聞使者忝任省方舉屬部肄業生徒皆應以時考覈顧政繁地廣殊難周悉靡遺昔賢倡學名山猶爲國家宏作育况乃職業所宜講眾望所專歸乎憶自戊子歲獲權開歸陳許道篆務俸入較豐壽鏞家本儒素自奉儉約度支所餘積有成款當請於前大中丞倪公願悉數捐助善舉以明澹泊夙志尚未有用也適奉備兵南汝光之

命來巡是邦使者向駐信陽舊有申陽書院規模太狹經費未充應課諸生以膏火無多未能踴躍使者間月一課亦不過敷衍塞

責而已庚寅夏 倪公校閱來申請以捐存之款創建書院集三州俊髦而試之一如大梁河朔之例籌給膏火廣購書籍以爲多士觀摩之助 公曰善又商諸同僚共謀集腋僉曰善合前捐之款得銀八千兩有奇是年秋在信陽州治南城內購得董姓住宅一所價銀一千五十兩旁基差隘棟宇半欹適有宅東之劉姓董姓張姓宅南之王姓各以敝宅求售悉購而廣之價銀計六百兩零徘徊審度諸待經營物料未儲苦無端緒且鳩工庀材之任復難其人博訪周諮審聞州紳中書科中書陳君庭模者世守清芬急公好善其才品號爲一鄉冠延之董理初遜謝若未遑也旣知

義弗可辭遂毅然引爲已任以辛卯歲二月初吉開工磚瓦木石之須斤削圻壤之役選求精當督作勤勞雖竹頭木屑未嘗置諸無用允能工歸實際款不虛糜三閱月而一律告成計整新原宅四十二間增修齋舍七十一間器具庖廁惟備又補治街南宅十八間共費銀二千兩零購書已用約五百兩存汝陽黃德聚典生息銀三千兩餘款以備本年脩膳膏火之需尙慮不足仍由 壽鏞捐廉補之落成之日顏曰豫南統屬而罔外也是舉也非 倪公之訓無以策其始非同僚之助無以立其基非陳君之力無以畢其效異日者禮陶樂淑星聚雲從猶得與諸君子俯仰流連快

觀菁莪棫樸之盛惜 倪公道山歸去竟不獲親見其成亦可慨
已雖然事勢變遷何常之有我輩一官如寄久暫難憑政教非旦
夕可期詎克躊躇而滿志則所以折衷往古昭迪來茲者固不敢
苟且自安尤不敢矜張自信也鼓士氣而育人材是所望於後之
在位者矣謹記

學規四則

一敦德行以端本原也德乃修道之基文爲麗德之具根深而後葉茂實至而後名歸是以周禮大司徒三物賓興首明德行如智仁信義中和孝友睦婣任恤皆德行之所表見者也苟於此先虧雖奪席班揚齊驅屈宋有文無行又何取焉凡爾肄業諸生務宜踐履同敦希賢希聖庶不失立教之本意

一勤探討以幾實學也文章經濟固非殊途學者居今稽古豈徒矜揣摩帖括之長擅獵取科名之具已哉蓋必通經致用身體力行然後處不失爲名儒出即可爲碩輔爾諸生窮年矻矻極

十

深研幾本道購置羣書雖未足應鴻博之需而節採菁華似猶給用如果諸生學業精進一日千里院中藏書不敷攷證本道尙擬隨時添購以爲名山深造之助

一重師友以求夾持也兩漢經術最尙師承唐宋儒修兼資友誼夾持之道自古已然蓋請益而後廣知多聞而後得助書云德無常師主善爲師以言人有專主隨在皆可進德也矧明師在前畏友在後顧容交臂自忽哉本道所聘山長不援聲勢惟取真儒爾諸生北面備禮之誠諒能體本道擁篲式閭之意至同堂共學朝夕追隨賞奇析疑互徵心得亦名教中活潑潑地也

一謹交遊以遵禮法也朋友之義勸善規過爲親仁縱欲狎交爲
比匪其倫紀有虧嗜利唆訟造言生事者并爲名教所不容顧
或三五成羣治遊相逐或酣嬉無度酗酒擎爭以及聚賭挾優
吸食洋煙恣情彈唱之類略非敗子實近下流爾諸生禮法是
程當未甘蹈此蕩檢踰閑之習第本道殷懷過慮殊不能不先
示防維廉恥所存惟在諸生之自審耳

章程十條

一山長必請任院擬定每歲修金壹百六十兩膳敬貳百四十兩共銀四百兩按季致送每節節敬捌兩迎送程儀隨時斟酌監院官一員札委信陽州學正訓導按年輪流管理每節節敬銀捌兩如有事故請假互相代理齋長四人由監院於住院有名之本州舉貢生監中選舉品行端方堪資領袖者充當每人每節酌送銀四兩不在膏火之數如有正經事故請假出院一個月外另行選舉倘辦事不公強霸懶惰以及與人涉訟者立即更換

十一

一住院肄業正課二十名每名每月膏火銀二兩副課二十名每名每月膏火銀壹兩隨課二十名不給膏火以上共六十名永爲定額先咨請 學政將南汝光三郡考列一等生員選送六十名前來肄業其有不到另由本道提取申陽書院舉貢生監以足其數正副隨課仍按每月初二日月課名次升降庶彰賞罰而資勸懲如住院者日去日少再請 學政咨送至逢課期願來投考者另爲酌取不拘名數均作爲額外隨課先由監院登簿記名遇有缺額卽予挨次拔補童生一概弗錄

一每年二月初諏吉開課甄別以後每月仍按初二日首課一文

一詩局門應課限卽日交卷拔取超等二十名卽爲正課除應得膏火外另加優獎特等二十名卽爲副課有膏火無獎賞壹等二十名卽爲隨課無膏火無獎賞膏火於月終由監院分發獎賞隨榜先發十二日課經史詞章算數雜學限五日內交卷拔取不拘名數不能應者聽前列者酌予優獎隨榜分發二十日山長師課不分超特壹等其考取前五名者另予獎賞隨榜分發如無故不應師課卽將本月應得膏火扣除一半首課三次不應黜名倘鈔襲雷同立即斥黜諸生課卷俟榜發各向監院處領回其超取佳作先由監院飭發禮書照繕二份一份

存院以備選刻一份張貼講堂有目共賞

一每年十二月停課如本年住院有名迨次年開課時先期前來者仍予收錄其因歲科考鄉會試而去者事畢同院一併收錄遷延不返不在此例

一額內諸生或因事故或因疾病請假出院者缺額暫留仍予以限制南陽屬不得過兩個月汝光屬不得過一個月限內回院一併依舊逾限不回扣名另補如每月官課師課均能無誤本州人願晝來晚歸者他處人有親友可寄食宿者悉聽其便若不稟知監院無故遠出三日不返卽予黜名至諸生請假出院

其行李箱囊概不許存留院舍以免肇衅

一凡鄉試之年七八九三個月停課先於六月後半月示期決科
一次限卽日交卷過日不收額外有志觀光者并許合同投考
評取超特壹等其額內取列超等者獎予正課膏火三個月取
列特等者獎予副課膏火三個月取列壹等者獎予副課膏火
兩個月卽爲賓興之費其額外取列超等者獎予副課膏火兩
個月取列特等者獎予副課膏火壹個月取列壹等者不獎其
會試舉人准按前一月名次給予三個月膏火以作卷資額內
額外諸生中式者除照發卷資外另給花紅獎勵

十四

一院中所有書籍應立詳細號簿三份蓋用道印一份存道署備
案一份交監院收執一份交齋長收執藏書處另備水牌數面
諸生借閱書籍須告知齋長同往檢取齋長隨筆登記牌面閱
畢卽還銷去牌字或先借半部或先借一冊挨次更換均不得
有意遲留以便輪流共閱如暫時攷證亦須齋長同往檢查隨
手歸架如借鈔需時由齋長轉回監院約計多寡酌限交還只
許閱鈔不許塗抹違者罰賠其非住院之讀書人來求查攷者
并許央齋長同往檢閱雖住院諸生概不得取攜出院倘有散
失惟監院齋長是問

一院中所有各色器具并立詳細號簿三份蓋用道印一份存道署備案一份交監院收執一份交齋長收執均由監院總發齋長按舍勻用不許移借出院卽遇大差地方官前來商借亦不開端倘有偷換暗移之弊諸生咸得與言仍惟監院齋長是問如有損壞齋長隨時回明監院估計工費請款修補不得聽其零落

一院中應設齋夫四名每名每月發給工食錢二千文把門夫一名每月發給工食錢二千文掃地夫一名每月發給工食錢一千五百文均由監院選擇誠實勤謹之人充當各役執司悉循

五

書院定例統歸監院調度齋長亦得呼應其應用禮書卽撥道署科吏二名專司造冊繕文唱名書榜等事每逢課日每名津貼飯食錢壹百文并歸監院處發給至每月所需筆墨紙張顏料油燭以及各項雜費凡課期前由監院彙齊款目覈實開單請領分發毋任浮冒弊混

一住院諸生已於各進安置厨竈公同炊作不得於堂除齋舍處所任意熏污亦不得各置各厨其僱用火夫應由齋長查明來歷轉向監院前具保方令入院所有院中各色人役概不許攜同女眷出入倘或偷取什物作踐房舍及一切過犯查有實跡

本人發州究愆監院難辭責備齋長知覺不先舉發亦有徇隱
之咎

撫憲紅白稟

敬稟者竊維地方書院之設蓋所以布宣教化扶植人才一
士向風則倫類羣資鼓舞一人明理則鄰里咸有依歸豫省
自軍務平定以來文明大啟一時賢能守令莫不致力於斯
或重振舊規或別開廣廈邇都大邑絃誦頻聞顧機勢靡常
其有效有不效者諒非同事異宜抑乃講求未至也 職道 忝
茲承乏已逾一年凡職分所應爲者無不殫竭愚誠勤加考
究祇以幹才疎拙歷久無所展施第力辦保甲以絕匪蹤訪
拿唆棍以清訟累因思政刑德禮表裏相通遏流兼貴澄源

七

齊末尤宜揣本是網羅俊乂表正閭閻實今日所當汲汲措
意者也 職道 上年會署河北道篆務彼處向有河朔書院廣

收彰衛懷三郡人士討論經史兼及諸子百家以輔府縣書
院之不逮薰陶既久成就良多自履南汝光道任後時以此
典闕如爲憾屢欲仿厥規模經營創造而所需過重立辦孔
艱如必待財力充盈始堪持滿而發將恐空言徒託此願急
切難償 職道 勉力倡捐廉銀五千兩兼募各屬僚陸續捐集
銀三千兩有奇隨向地方官紳一再籌商客歲九月間在信
陽州城內東南隅購置坐北向南董姓民宅一所共前後院

四進瓦房四十餘間價銀壹千五十兩其東鄰及路南民居
可以添購之處正在集議並須購入以備增修齋舍暨山長
安置眷屬之所至宅中欹斜滲漏應行補治者與全局應行
規畫者茲先督飭官紳相度履勘摺節估計就此春暖次第
興工俾壯觀瞻而資容納顏曰豫南書院一如河朔之例然
非聘請名宿無以正師傳非優給膏火無以廣招徠非博集
羣書無以求實學職道現已延請江南真儒耿教授植前來
主講并赴江甯湖北各書局分購書籍擬卽自本年四月詠
吉開課特取南汝光三郡廩增附生住院肄業童生不錄酌

十六

定正課二十名副課二十名隨課二十名永爲定額一體住
院咨請

學政將三郡考列一等生員酌送六十名其因路遠不願前
來者卽由職道提取申陽書院舉貢生監若干名以足其數
嗣後每月初二日課文詩十二日課經史詞章算數雜學二
十二日山長師課仍以初二日取定超特壹等名次作爲正
副隨課按月升降庶幾等差有辨作育無方其膏火數目以
及一切條規章程謹取大梁河朔宛南各書院舊章斟酌損
益量爲變通分別定擬務歸盡善不厭精詳刊勒成編用昭

遵守惟月課獎賞多寡不能預定核計現擬各節加以山長
修膳監院齋長節敬書役飯食以及卷資油燭等費每歲約
共需銀一千七八百兩前捐之款除給房價并增修齋舍外
計存銀三千兩業經先後發交汝甯府黃德聚興按一分起
息以入抵出不敷尚鉅職道一日在官便有一日難辭之責
刻下製辦應用各色器具暨開課後需用各項概由職道捐
廉籌墊誠恐後來者難平為繼非半途而廢即多事相嫌則
職道區區苦心微特見哂於同僚轉且貽譏於多士仍當隨
時設法另籌經費以資久遠之謀但期默轉潛移雲從景合

五

行見英才輩出禮讓同敦庶仰副我

憲臺飭紀明倫化民成俗之至意所有

職道

倡捐創設豫南書

院酌定膏火名數擬議條規章程緣由理合繪圖貼說分開
清摺稟呈

鑒核批示祇遵並予立案永行實為公便再購置書院房舍增

修工程製備器具書籍各款皆係

職道

倡捐辦理并無絲毫

出之於民應請准免冊報其先後購定民房文契及發典生
息銀兩領狀均粘卷存道遇有更替移交接管不得挪用遺
失合併聲明肅此恭請

勛安伏祈

垂察 職道壽鏞 謹稟

計呈 房圖一幅 清摺二扣

光緒十七年三月十一日奉

欽命兵部侍郎兼都察院右副都御史河南巡撫部院裕 批

據稟倡捐創設豫南書院規制井井具見留心教育殫力經營洵堪嘉許至以講求經史實學不徒專務詞章尤得造士要領所議章程條規亦均周密准卽如稟立案仍將未盡事宜隨時悉心籌辦以資作育而垂久遠仰卽知照此繳圖摺

三

存

學院咨文

為移咨事照得^敝道現於信陽州城內創設豫南書院擬廣收南汝光三郡人士咸來就學以宏造就業將擬定章程咨請備案在案茲定於四月二十二日開課自應照章先期將南汝光三郡考列一等生員咨取六十名來院以便甄別肄業擬合移咨為此合咨

貴學院請煩查照希將南汝光三郡考列一等生員選取六十名移送過道以便甄別錄取而資肄業實為公便須至咨者

三

一

咨

欽命提督河南全省學政翰林院編修吳

光緒十七年二月二十五日發

翰林院編修提督河南全省學院加三級邵

爲

咨送事光緒十七年三月十七日接管卷內准

貴道咨稱敝道現於信陽州城內創設豫南書院擬廣收南
汝光三郡人士咸來就學以宏造就業將擬定章程咨請備
案在案茲定於四月二十二日開課自應照章先期將南汝
光三郡考列一等生員咨取六十名來院以便甄別肄業等
因到本院准此先將汝光二棚考取一等前列者挑選三十
名造具清冊合行咨送爲此合咨
貴道請煩查照施行須至咨者

三

計咨送汝甯光州兩屬一等前列生員清冊一本

右

咨

南 汝 光 道

光緒十七年六月二十二日

札知汝甯府發典生息銀兩立案稿

爲札飭事照得本道創設豫南書院收羅三郡士子住院肄業以啟人文當因經費甚鉅獨力難成本道首先倡捐廉銀兼募同僚陸續輸捐除置買民房書籍以及器用物件外復經本道先後籌得一五庫平銀三千兩於光緒十六年四月初一十月初一及十七年三月二十日解由汝陽縣轉發該縣當商黃德聚具領按月一分生息遇閏不增以備士子膏火山長脩膳之用節據汝陽縣取具該商領狀三紙先後申送在案除領狀存案備查外合行札飭札到該府立即遵照

三三

備案仍轉飭汝陽縣催令該商將息銀按季速即繳縣批解備用均毋違延切切此札

光緒十七年六月十八日發

頭品頂戴河南巡撫部院兼提督軍門劉

札

調署河陝汝朱道照得本部院於光緒二十年十一月二十一日具

奏調署河陝汝道正任南汝光道朱壽鏞在信陽州城內創建豫南書院一所懇請立案一摺除俟奉到

硃批另行恭錄札知並行司知照外合先抄摺札行札到該道卽便知照毋違此札

計粘抄摺稿一紙

光緒二十年十一月二十五日

叁

撫憲劉 抄發摺稿

奏為創建豫南書院懇請立案恭摺仰祈

聖鑒事竊查調署河陝汝道正任南汝光道朱壽鏞前以信陽州為南汝光道駐劄之處所屬地方幅員既廣人文夙盛向無專設書院為三屬多士觀摩該道有志興舉於光緒十七年間在信陽州城內創建豫南書院一所調取三屬力學之士入院肄業延訂宿儒以主講席釐定章程按期考課詩文之外兼以經史詞章旁及算數雜學購儲經史子集以備諸生繙繹討論所需經費該道倡捐廉銀五千兩所屬府廳州縣

卷四

捐銀三千餘兩除購基建置一切支用外餘銀三千兩發當生息以備常年脩膳膏火之需不足之項另行籌議由司委員驗收無異詳請

奏咨立案前撫臣未及具奏移交核辦臣維地方書院之設原所以輔翼學校作養人才今該道朱壽鏞倡捐鉅款創建豫南書院講求實學規制井然洵足振興文教有神士林據稱不敢仰邀議叙相應籲懇

聖恩准予立案以垂久遠而昭遵守並請將該道

傳旨嘉獎俾為實心任事者勸為此恭摺具陳伏乞

皇上聖鑒訓示謹

奏

臣

頭品頂戴河南巡撫部院兼提督軍門劉

札

調署河陝汝朱道照得本部院於光緒二十年十一月二十一日具

奏調署河陝汝道正任南汝光道朱壽鏞在信陽州城內創建豫南書院一所懇請立案一摺業已抄摺札知在案茲於十一月初十日奉到

硃批朱壽鏞著傳旨嘉獎該部知道欽此合就恭錄札知札到該道即便欽遵知照毋違此札

光緒二十年十二月十四日

奏

捐集豫南書院經費題名

南汝光道朱壽鏞

捐銀五千兩

南陽府知府濮文暹

捐銀一百兩

汝甯府知府李德河

捐銀五十兩

浙川廳撫民同知陳履忠

捐銀五十兩

署浙川廳撫民同知王煥台

捐銀一百兩

署光州直隸州知州候補同知傅鍾沅捐銀一百兩

光州直隸州知州袁鎮南

捐銀二百兩

鄧州知州蒯辰蓀

捐銀一百兩

二

裕州知州白文光

捐銀五十兩

署信陽州知州候補知縣姚禮咸

捐銀一百兩

信陽州知州耆齡

捐銀一百兩

南陽縣知縣黃源

捐銀一百兩

南召縣知縣調署確山縣知縣達信共捐銀一百五十兩

署鎮平縣知縣秦以杰

捐銀五十兩

唐縣知縣馬駿清

捐銀五十兩

調署唐縣知縣凌夢魁

捐銀二百兩

泌陽縣知縣調署汝陽縣知縣盧煦春共捐銀一百五十兩

署桐柏縣知縣汪時澧

捐銀八十兩

內鄉縣知縣調署上蔡縣知縣盛元均共捐銀一百五十兩

新野縣知縣楊沛霖

捐銀五十兩

署舞陽縣知縣張 琨

捐銀一百兩

舞陽縣知縣廉德浴

捐銀一百兩

葉縣知縣趙鼎五

捐銀五十兩

汝陽縣知縣調署泌陽縣知縣楊 溶共捐銀一百五十兩

署正陽縣知縣候補知州湯似慈

捐銀五十兩

署正陽縣知縣秦本提

捐銀五十兩

三五

上蔡縣知縣李振聲

捐銀一百兩

新蔡縣知縣宋嘉炳

捐銀一百兩

調署西平縣知縣李名燠

捐銀一百兩

署西平縣知縣華 素

捐銀一百兩

調署遂平縣知縣程 鐘

捐銀五十兩

確山縣知縣施廷弼

捐銀五十兩

羅山縣知縣陳寶善

捐銀一百兩

代理羅山縣知縣錢汝鈞

捐銀五十兩

署羅山縣知縣茅嵩壽

捐銀一百兩

調署固始縣知縣馬家彥

捐銀一百兩

署息縣知縣陸榮昶

捐銀五十兩

息縣知縣舒泰

捐銀五十兩

調署商城縣知縣郭古陶

捐銀一百兩

商城縣知縣劉與齡

捐銀一百兩

代理泌陽縣知縣孫景榮

捐銀五十兩

署汝陽縣知縣王溥

捐銀一百兩

羅山縣知縣裘仲祥

捐銀一百兩

署光山縣知縣于文泉

捐銀五十兩

六

署葉縣知縣候補通判毛大猷

捐銀五十兩

署息縣知縣候補通判葉芝昌

捐銀五十兩

署信陽州知州候補同知吳興綬

捐銀五十兩

豫南書院書目

經部

四書集注

六本

孝經

一本

周易本義

四本

周易姚氏學

六本

書經集注

四本

尚書大傳

一本

詩經集注

四本

三

鄭注周禮

六本

鄭注儀禮

四本

儀禮古今疏義

四本

禮記集說

十本

禮記訓纂

十本

杜注左傳

八本

左傳舊疏考正

四本

公羊傳

二本

穀梁傳

二本

經傳攷證

二本

九經三傳沿革例

一本

爾雅

三本

經典釋文

十二本

段氏說文

附音均表

十八本

說文義證

三十二本

段氏說文注訂

二本

說文新附字攷

二本

說文引經攷證

二本



說文通檢

二本

說文提要

一本

說文校議辨誤

一本

讀說文雜識

一本

大學衍義

八本

山海經

圖讚
補注

共三本

康熙字典

四十本

字典考證

六本

字學舉隅

一本

詩比興箋

二本

韓詩外傳

二本

逸周書校釋

二本

小學輯注

三本

十三經註疏

一百本

皇清經解

三百六十本

冉蟬盒五經詳說

四百九十本

欽定書經傳說彙纂

二十本

欽定春秋傳說彙纂

三十二本

三

經苑

七十七本

十一經音訓

二十六本

仿宋本說文解字

四本

松陽講義 李蘊齋洗馬送

四本

史部

御批通鑑輯覽

六十本

史記

十六本

前漢書

十六本

後漢書

十六本

三國志

八本

晉書

二十本

南史

十二本

北史

二十本

三

宋書

十六本

魏書

二十本

南齊書

六本

北齊書

四本

梁書

六本

陳書

四本

周書

四本

十六國春秋

十二本

隋書

十二本

舊唐書

四十本

新唐書

四十本

舊五代史

十六本

新五代史

八本

宋史

一百本

遼史

十二本

金史

二十本

元史

四十本

明史

八十本

三

欽定明鑑

十本

司馬溫公稽古錄

四本

紀文達公史通削繁

四本

五代史記纂誤續補

六本

闕史

一本

北學編 李蘊齋洗馬送

二本

學宮景仰編 福建陳芝田送

四本

子部

孔子家語

二本

孔子集語

一本

荀子

二本

孔叢子

一本

新語

共一本

忠經

二本

新書

二本

鹽鐵論

二本

新序

三本

說苑

四本

法言

共一本

方言

二本

潛夫論

共一本

尹文子

共一本

慎子

共一本

公孫龍子

共一本

鬼谷子

共一本

申鑑

共一本

中論

共一本

管子

四本

傅子

共一本

續孟子

共一本

晏子春秋

二本

仲蒙子

共一本

素履子

共一本

商子

一本

胡子知言
薛子道論

海樵子

共一本

鄧析子

共一本

尸子

共一本

握奇經

六韜

共一本

孫子

司馬法

共一本

吳子

尉繚子

共一本

素書

共一本

心書

共一本

三

韓非子

四本

齊民要術

四本

太元經

二本

何博士備論

共一本

李忠定輔政本末

易林

墨子

四本

鬻子

共一本

於陵子

鷓冠子

鷓冠子

一本

呂氏春秋

四本

淮南子

四本

金樓子

二本

劉子

一本

顏氏家訓

一本

獨斷

一本

論衡

六本

白虎通

二本

風俗通

二本

牟子
古今注

共一本

聲隅子
廣成子

賴真子

共一本

叔苴子

二本

燕丹子
玉泉子

金華子

共一本

書

郁離子
海沂子

空同子

共一本

拾遺記

一本

神異經
洞冥記

海內十洲記
穆天子傳

共一本

搜神記

二本

搜神後記

一本

抱朴子

四本

至游子

一本

博物志

一本

續博物志

一本

述異記

一本

元真子 天隱子

胎息經

共一本

亢倉子 无能子

陰符經注

共一本

關尹子

一本

列子

一本

老子道德經

二本

道德真經注

二本

莊子

二本

莊子闕誤

二本

文中子

一本

春秋繁露

二本

淮南天文訓補注

二本

高士傳

一本

三

三

集部

十朝聖訓

二百五十本

庭訓格言

一本

聖諭廣訓

二本

大清會典

四本

皇朝祭器樂舞錄

三本

欽定康濟錄

四本

文廟祀位

一本

楚辭集注

二本

美

楚辭辨證

一本

離騷集傳

一本

離騷草木疏

一本

離騷箋

一本

水經注

十二本

今水經表

一本

酉陽雜俎

四本

續酉陽雜俎

二本

隋經籍志攷證

四本

昭明文選

二十四本

世說新語

四本

文心雕龍

二本

淩水紀聞

四本

人譜類記

二本

人譜三篇

一本

意林

二本

二程全書

二十本

朱子年譜

四本

三

老學菴筆記

二本

人壽金鑑

六本

近思錄

四本

古列女傳

四本

趙子言行錄

二本

日知錄

十六本

歷代年號紀畧

一本

讀書分年日程

二本

讀史方輿紀畧
天下郡國利病書

共一百本

太平寰宇記

三十六本

呂新吾全集

三十八本

洪北江全集

八十四本

王懷祖讀書雜誌

二十四本

龍川文集

十本

古文百篇

六本

述古堂文集

四本

茗柯文編

二本

石笥山房文集

十本

三

崇百藥齋文集

十六本

大雲山房文集

八本

遊道堂集

二本

煙霞古樓集

二本

胡文忠公遺集

三十二本

古今詩選

十本

樂府詩集

十六本

太白集

四本

讀雪山房唐詩鈔

十二本

吳梅村詩集箋本

十二本

甌香館集

四本

凌溪集

二本

白田風雅

四本

韻字畧

二本

韻歧

二本

刊謬正俗

一本

數理精蘊

四十本

算學啟蒙述義

三本

三

百英堂算學叢書

三十三本

幾何原本重學三種

共二十本

葬經

共一本

徐氏醫書六種

十本

讀史兵略

十六本

武功縣志

一本

籌濟編

八本

鑑戒錄

二本

庸吏庸言
讀律心得

共三本

洗冤錄詳義

六本

佐治藥言
學治臆說

共三本

荒政輯要

二本

救荒補遺

二本

捕蝗要訣

一本

山帶閣集

四本

丁儉卿頤志齋叢書

二十本

問心齋學治雜錄

六本

延秋吟館詩鈔

一本

四本

國朝中州文徵

二十八本

大清律例通考

三十本

漢碑錄文

四本

石經考畧

一本

淳南集

四本

莊靖集

六本

文章軌範

二本

岳忠武王文集

四本

曹月川先生遺書

十一本

曾文正公全集

一百二十八本

欽定圖書集成

劉省三宮保送

一千六百二十八本

賦則 李蘊齋洗馬送

二本

校經堂二集 李蘊齋洗馬送

四本

近思錄

四本

廣近思錄

二本

先正學規

二本

中州名賢集

十六本

正誼堂全集

一百六十本

望

俞曲園全集

一百二十本

述學

四本

聲說

四本

格言聯璧

一本

制義部

欽定四書文

十六本

半耕山房時義

八本

制義靈樞

四本

制義體要

四本

制藝綱目

一本

西學書目

列國歲計政要

六本

各國交涉公法

六本

佐治芻言

三本

公法總論

一本

東方交涉記

二本

海塘輯要

二本

營城揭要

二本

兵船礮法

三本

望

船塢論畧

一本

前敵須知

五本

水師操練

三本

兵船汽機

八本

礮彈造法

三本

輪船布陣

二本

行軍測繪

二本

行軍鐵路工程

一本

礮乘新法

六本

水師保身

一本

礮準心法

二本

海軍調度

二本

列國陸軍制

三本

攻守礮法

一本

礮藥紀要

一本

水師章程

十六本

臨陣管見

四本

營壘圖說

一本

器

克虜伯礮說

二本

礮法畫譜

一本

制火藥法

一本

英國水師考

二本

美國水師考

一本

法國水師考

一本

航海章程

一本

開地道轟藥法

二本

水雷秘要

六本

冶金錄

二本

數理精蘊

三本

行船免撞

一本

保富要述

二本

西藥表

一本

化學表

一本

練鋼要言

一本

電氣鍍銀

一本

格致小引

一本

四五

運規約指

一本

開煤要法

二本

金石表

一本

海道圖說

十本

御風要術

二本

西藥大成

十六本

器象顯真

三本

繪地法原

一本

井礦工程

二本

航海簡法

二本

代數難題

六本

西藝知新

六本

西藝知新續刻

八本

寶藏興焉

十六本

儒門醫學

四本

汽機發軔

四本

汽機新製

二本

鐵甲叢談

二本

異

數學理

四本

化學求數

十四本

汽機表

一本

化學鑑原續編

六本

銀礦指南

一本

三角數理

六本

電學綱目

一本

化學考質

六本

汽機必以

六本

內科理法

十二本

電氣鍍金

一本

微積

六本

測地

四本

練石編

二本

工程致富

八本

臨陣傷科

四本

電學

六本

考工紀要

八本

四本

行海要術

三本

測候叢談

二本

算式紀要

二本

盛世危言

五本

各國鐵路圖考

六本

官書局彙報

十六本

時務報

五十本

